

Gagnaveita Reykjavíkur ehf  
Bæjarhálsi 1  
110 Reykjavík

Reykjavík, 2. september 2021  
UST202108-285/Þ.V.B.  
09.07.01

### **Efni: Umsókn um leyfi til framkvæmda - ljósleiðari - Reykjanesfólkvangur**

Umhverfisstofnun hefur móttengið umsókn Gagnaveitu Reykjavíkur ehf, dagsett 31. ágúst um leyfi til framkvæmda innan svæðana Eldborg undir Geitahlíð, Herdísarvík og Reykjanesfólkvangs.

Eldborg undir Geitahlíð er friðlýst sem náttúruvætti sbr. auglýsing nr. 622/1987 í Stjórnartíðindum. Gjalltaka og mannvirkjagerð er óheimil, svo og hvers konar jarðrask, sem breytir eða veldur skemmdum á útliti gíganna nema með leyfi Umhverfisstofnunar og náttúrverndarnefndar Grindavíkur.

Herdísarvík er friðlýst sem friðland sbr. auglýsing nr. 121/1988. Mannvirkjagerð og jarðrask er óheimilt án leyfis Umhverfisstofnunar. Óheimilt er að skerða gróður, trufla dýralíf eða skaða varp. Umhverfisstofnun er heimilt að takmarka umferð um ákveðna hluta friðlandsins á ákveðnum tímum.

Reykjanesfólkvangur er friðlýstur sem fólkvangur sbr. auglýsing nr. 520/1975. Jarðrask á svæðinu er óheimilt nema með leyfi Umhverfisstofnunar.

#### **Lýsing verkefnis:**

Sótt er um leyfi til lagningu ljósleiðara um svæðin. Kort sem sýnir legu leiðarans fylgdi með umsókn. Ljósleiðarinn verður plægður og og fleygur meðfram vegkanti frá Mælifelli sem leið liggur inn að Krýsuvíkurvegi. Vegstæði verður svo fylgt alveg þar til komið er sunnan við Hlíðarvatn við Selvog. Við verkið verður notuð jarðýta með plóg og beltavél með brottönn. Grasþökur verða lagðar í sama horf að framkvæmd lokinni og lagt upp úr því að skilja við landið eins og komið var að því. Lega ljósleiðarans er skv. gildandi aðalskipulagi. Stefnt er að því að fara í verkið sem fyrst.

#### **Áhrifamat:**

Umhverfisstofnun metur verkefni líklegt til að haga tímabundin neikvæð áhrifa á náttúrufar og gesti svæðanna á meðan verkefnið stendur yfir. Stofnunin metur að hægt sé að draga úr neikvæðum áhrifum framkvæmdarinnar sé farið eftir skilyrðum leyfisins.

#### **Skilyrði:**

Umhverfisstofnun veitir Gagnaveitu Reykjavíkur fyrir sitt leyti leyfi fyrir lagningu ljósleiðara um Eldborg undir Geitahlíð, Herdísarvík og Reykjanesfólkvang sbr. lýsingu hér að ofan á tímabilinu 2. september – 15. nóvember 2021 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.

- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Einungis skal aka jarðýtu og beltavél að og innan skilgreinds framkvæmdarsvæðis. Afmá skal öll hjólför utan vega að framkvæmdum loknum.
- Forðast skal óþarfa rask og stærð framkvæmdasvæðis skal haldið í lágmarki.
- Vandað verði við frágang eftir að verki lýkur.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Þess skal gætt við akstur utan vega að hann fari fram á tímum þar sem hann veldur sem minnstu raski á jarðvegi og gróðri.
- Öll vinnutæki þurfa að vera hreinsuð áður en þau koma inn á svæðið, til að koma í veg fyrir innflutning á ágengum tegundum frá öðrum svæðum.
- Tryggja skal að plógurinn skeri bara svörðin en kuðli honum ekki saman þar sem farið er yfir gróðurlendi.
- Vandað verði við frágang eftir að verki lýkur. Vinna skal að endurheimt og landmótun á því yfirborði sem raskast, sem stuðlar að náttúrulegu útliti og um leið afmá öll ummerki framkvæmdarinnar. Þar sem gróðurþekja raskast skal notast við staðargróður við uppgræðslu.
- Óheimilt er að raska votlendi vegna framkvæmdarinnar.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi landeigenda og/eða sveitarfélags gæti þurft fyrir verkefninu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

#### **Leyfisgjald:**

Umhverfisstofnun mun innheimta gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um framkvæmdir er kr. 39.400.- sbr. 24. gr. b. gjaldskrá Umhverfisstofnunar nr. 535/2015.

#### **Eftirlit:**

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst

Inga Dóra Hrólfsdóttir  
sviðsstjóri

René Biasone  
sérfræðingur